



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Tribunál Distritál Oe-Cusse
26 Agostu 2014

Tribunál Distritál Oe-Cusse kontinua hala'ó julgamentu iha loron feriadu nasionál

Iha 20 Agostu 2014, ne'ebé defini nu'udar loron feriadu nasionál ba Falintil nian, maibé Tribunál Distritál Oe-Cusse kontinua hala'ó prosesu julgamentu ba kazu krime tolu ne'ebé tama ona iha oráriu julgamentu. Kazu hirak ne'e kompostu hosi kazu krime ofensa ba integridade fízika simples ho natureza krime violénsia doméstika rua no ofensa ba integridade fízika simples ida.

Tribunál decide kontinua hala'ó prosesu julgamentu tanba antes ne'e tribunál notifika ona parte sira no sira hotu marka ona prezensa iha tribunál. Tribunál mós hanoin katak kazu violénsia doméstika nia número kontinua ass iha tribunál refere.

Aleinde ne'e, tribunál konsidera katak parte sira ne'ebé tribunál notifika ho sira nia limitasaun no difikuldades tomak maneja atu kumpri notifikasaun tribunál ho distansia ne'ebé dook. Tanba ne'e mesmu loron feriadu, julgamentu kontinua la'ó atu asegura katak públiku, liu-liu parte sira interesadu sira la lakon sira nia konfiansa ba sistema justisa formal.

“JSMP apresia teb-tebes komitmentu no dedikasaun autóridade judisiáriu no ajente prosesuál asociadu sira tanba konsidera ass tebes difikuldade publiku no interesadu sira nia interesse ba justisa. Ne'e manifesta sentidu responsabilidade institucional hosi instituisaun ida-idak atu asegura justisa ba públiku, dehan Direitór Ezekutivu JSMP, Luis de Oliveira Sampaio.

Iha julgamentu ne'e, tribunál konsege konklui prosesu ba kazu rua no kazu ida seluk sei iha prosesu nia laran.

JSMP hein katak prátika diak no komitmentu hanesan ne'e bele sai mós referensia ba tribunál sira seluk, atu hametin liutan konfiansa públiku ba sistema justisa formal.

Julgamentu ne'e prezide husi juis singulár, Dr. João Ribeiro. Ministeríu Públiku representa hosi Dr. Ambrosio Rangel Freitas no arguidu sira hetan defeza husi Dr. Calisto Tout hosi Defensoria Públiku.

“Kommunikadu imprensa ida ne'e bele imprimi tan ho apoiu jenerozu husi povu Amerikanu liu husi Ajensia Es Kooperasaun ho Número AID-486-A-13-00007 ba programa Ba Distrito iha Timor-Leste, ne'ebe nia implem JSMP mak responsabiliza tomak ba konteudu no hanoin iha komunikadu impresna ida ne'e nia laran no la

opiniaun”.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl